




مدونه كارونيات تنشر لكم اشعار الشاعر المحبوب حميد ابو امجد الحيدري

عزم الحجار

و رك عزم الفشگ من شاف الحجار	اهبطت روس البنادق للمحاصيل
البحجر شعمل ابمكه اباهل القدار	ذاكره الكريم ابصوره الفيل
و ابن صهيون ناوى ايهدم الدار	و اطفال الحجاره اطيور ابابيل
و ثبت للطين گامت تسجد النار	ثگب حجر القدس من صار سجيل
او گام امن الظلم يطلب الثار	ظهر هابيل من گبره اعله قابيل
او من زلم القدس يتخير انصار	يلچم جرح راسه او يطلب الويل
او عرف هلجيل كله ايصير ثوار	صبر هابيل من جيل الى جيل
و صبح تاج العروبه و صار عتبار	ثبت عدنه المجد من ناوى ايشيل
و اخذ روحى عزومه غيضى وياك	گص شريان گلبى و سوه محچال
ترد اعليك تگوه اتعيش حياك	خاطر من تمل يا طيب الافعال

احجارک لو خلص جدام الاندال گص اعضای کلهه و رامی اعداک
یا طود الصمود و اعله الجبال اکبر ریح عاصف عیب هزاک
ارکبت غوج المراحل خوش خیال او مثلت العروبه ابکل سجایاک
تضل رمز المجد لفکار الاجیال او فخر تاریخنه الما یمل طرواک

جواب القلم

علینه ایچذب التاريخ ما ضنه نکر یا ناس ماضینه
و اذا ناسی اذکرنه اشو بعده الورگ ماله حمر من دم اهلینه
یتاریخ الزمان اشلون تنکرنه و احنه بالکرم تشطر صوانینه
او عجیبه اشلون گلبک گلبک طاوعک انسیت رفل اکحیلنه و لمعه مواضینه
او عجیبه اعلى اللیالی اشلون تنسینه
انمحہ ذچر النشامه و ضایع العنوان
و لعب بینہ الوکت من شاف خملینه
اثاری الوکت یتحسد چی احنه عشگنه ام المعالی و حنت اعلینه
او چب الله الکریم الخابق الجبار عاف الامم کلهه و لتفت لینه
مو الله علیم و عالم و یدری من غیر العرب ما یکتمل دینه
و ثبت دینه و سعد للباری بالمعراج هادینه
او جابنه کتاب من الکریم البیه من الجهل ینجینه
او گال العرب بین الناس کلهه اعزاز او گام اعلى العدل والحگ یدلینه
و عشنه احرار فتره اقرون متوحدين . وبوحدتنه اعلى کل الناس حکمینہ
او ساوینہ الخلگ بالکون لا ظالم و لا مظلوم
و للذنیه ابعداله حیدر الکرار ضوینہ
و لعب بینہ الوکت من شاف خملینه
و ابلیس احتزم و اعتزم لیل انهار و اشتغلت شیاطینہ
او وجد ذره ضعف بینہ و

عمل بينه اشعمل بينه ؟

و خلانه انتفاخر بالابو و الجد الف مره التلملمنه او تبدينه

او نسينه ادروبنه البيهه الكريم الچان يوصينه

اشيوصينه ؟

((و اعتصموا بحبل الله جميعا و لا تفرقوا))

او ما فاد الينادينه

او طر وادی الجهاله او صار حادينه

هذيچ اناس گامت عالگمر تمشی و احنه اعلى البيارق بالجهل چيلات رزينه
هذيچ الناس گامت تصعد المريخ و احنه اهنا على ازيان البيارق هالتگزينه
هذيچ الناس ملتھيه ابعلمهه او كل صباح ايزود و احنه اسنين لا هين ابنھاوينه
کافي الجهل کافي التيه کافي النهوه کافي الثار مو من الهظم و العار ملينه
وحگ اللفتن هذا فتن من زمره الشيطان حد يمته الجهل و التيه غاطينه
ما شفتوا اليضدنه اشلون يصنع من عملنه افلام لهله او يضحک اعلينه
جواب القلم لازم بالقلم ننطيه و ساعات المزامط الله يدرينه
حد اليوم لندن ترجف امن الخوف لو واحد يجيب احذاه طارينه
او چرچيل ابوسط گبره و رگبته امن الوجع تاذيه من مگوارنه او طگت جناوينه
احنه خلقت الکرار مو عيب و هظيمه ابهالشکل يا ناس ذلينه
خل ننسه المضى او نتوحد امن اردود و ندگ الساس و نعلی مبانينه
و خل امخدرات السلف ينسرن و بالطيبات خل ترجع مجارينه
الحمل لو ما هله اتشيله لتظن الغريب ايسرفن الضرعان و يعينه

موت العز

و انشد عالموت البيه عزه

و عايز بس دم نحري ايصرزه

و ليام الفزعات ايحرزه

شایل تابوتی اعلى راس

و امولم چفنى امن اسنين

او صدری امجع صوت الثار

و امتانی النایم عاذله	بلکه نسمة غیره آتیهزه
مو راح ایموت ابهالنومه	او منکر للوعات ایدزه
و الیطم لحسین او گومه	او صار ابصدره امن الدگ بزه
لا یلطم بس بیه یتظاهره	لو صح گلبد احسین ایعزه
احسین استشهد لجلی او لجلک	سیف الشر حد نحره و حزه
چا صوت احسین الیبعیل	وجدانه الکاسل ما هزه
یالجاى اتخر ب سمعته	داوک من خطته انفرزه
روح العب ویاهن فره	او ابفرتهن ذبلک خرزه
بالکت او ذکرلک ثوره	ایمل گلبک و الذل ایچزه
اوحنه امن احسین اتعلمنه	و عنوان العز نعرف رمزه
خله العادانه اشما یصنع	او سیف الغش بگفینه ایرزه
فد یوم او نهتف عالطامع	او ابزود المگوار انلزه
احنه انه اعله الموت امسابگ	و الموت اعله الحگ انعزه
احنه امن اهواز المحبویه	و نمجد المات ابحد غزه

صرخه

عمی چلمات القصیده اموکحات	نامن ابحضن الفکر ما یستحن
فزن امن النوم فزن باسمات	او بالقریحه امن الفرع یتراکصن
ذنی عالحق و الحقیقه امدربات	او گامن الحلگ القلم یتسابگن
نزلن ابوادى الورگ المدللات	اتسطن مثل الذهب و اتکلمن
ابکا حرفهن سیف هندی صانعات	او رکن اغواج الشعر و اتخیلن
ادرعن بیمان ذنی المخلصات	او غار هشنن عاجهل و اهل الفتن
صرخه صرخن ترعب اگلوب الطغاه	او چتفن ابطل الهظم لمن غزن
عمی صاحن احنه احنه اهوازیات	احنه عیب انطیح لو زاد المحن
احنه عربیات احنه الماجدات	الینتغر حته الصخر لو هلهلن
احنه بینه اطباع نهوه العالیات	او نعشگ اقدام العله العزه مشن

احنه نرفض كلمن ابذله ييات	او نفگس اعيون العله الذل سلهمن
احنه مو چلمات ذاگ امسناحات	اعليه الورگعند الخصم يتخشعن
هانن اهل الجود و اهل المكرمات	او حاتم الطائي لعد رستم فدن
احنه بالماس الشهامه امطرزات	و هنه من كتر الزباله اتلملمن
احنه بدروب الاماجد سايرات	و هنه ببجور الخيانه غرگن
احنه نوگف و گفه بوجوه الوشات	و هنه بقصور الظلم يتملگن
احنه احنه و هنه هنه امجاملات	و الصدگ ويه الچذب يتطالبن
او طبعا اچلم الحقيقه الناجحات	و الچذب شيعوا نعشه و اندفن
احنه دوم اعلى الوفاق موافقات	و حتى نفدى ارواحنه الهذا الوطن

قصيده تحت عنوان :

اشما كثر ضيم اليالى ما تنازل عن طريجي البى مشيت
ومهما يظلم جبيلي وراڊ يفرض بوس چفه عيب دنگت اعلى چفه و ما هويت
و ما جفيت الماى عن حب الحقيق و تبعت چذب السراب و ما رويت
و العسر ذكنى صحيح و من كثر ذك العسر شفت المنيه بس ما گلت لحد ابحالى و ما
شكيت
و عيب ساومت ابقضيتى ضخكت الشمات عنى وفكرو بيه انشرت
انا ذاك الشاعر الى اطلع شعر من دبن گلبى و شعرى املطخ دمه بيه اكتبيت
و انا ذاك الشاعر الى ارسم خريطه امل الوطن ابوسط الخيال و شعرى بس لالام شعبى
استخدمت
و انا قيس الى توردت ويه ليله و ماصرت مجنون چه حب الوطن ساكن خيالى

و رقمن علی اعناد گلبی عن عشگ لیلا جیفیت

الابوذیه

یگلولی تسل اشلون ما سل

اذا حتی الیحبنی علی ما سل

لون دهری علیه اسیوف ما سل

((لدغنی او ساب چنه اتگول حیه))

لدغنی و ساب چنه اتگول حایات

و لا لحظه غفت هل عین حایات

من الطیبین اطلب و اخذ حایات

((هذاک انت و محبتک ذیچ هیه))

هَذَاک انتہ او محبتک زود بالزود

ودگرو حک ابروض المجد بالزود

خل نفسک اخضیری او طفح بالزود

((میهمه البحر و لو زاد میّه))

میهمه البحر لو زاد ولمای

و لا تشچی و تگول اشکثر و لمای

گلب الی یشوف القهر و لمای

((یتجرع صبر یترجه المنیه))

عتاب

هلی الما ربوا براحت و دلال

اهل غیره او مضیف و سیف و دلال

هلی لهل الکرامه اسرای و دلال

((هلی منهم علی داحی الباب))

الدهر ضیمه عصر روحی مردهه

و خبط صافی شریعتیه مردهه

حیاه ابذل بلا عزه مردهه

((ارید العز لون تحت التراب))

الیمه الروح ما ادری شلمهه

اظن غدر الوکت سیفه شلمهه

الضعینه اتشتت غفله شلمهه

((تحشم و الیگود الضعن غاب))

تمشی ابرای عذالک ملک رای

بحر لاچن بحر صافن ملک رای

اظن چنت امن احصلنک ملک ری

((احصله او ما شفت بس العذاب))